



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 06/07/2022

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Ëmwelt, Klima an nohaltëg Entwécklung weiderzeleeden.

An enger ARD-Dokumentatioun iwwert de Plastikmüll, "*Die Recyclinglüge*", gëtt ob verschidde Mëssstänn bei der Entsuegung vun Offall opmierksam gemaach.

Vun de 6 Milliounen Tonne Plastikoffall, déi järelech an Däitschland produzéiert ginn, solle manner wei 5% op en Neits verwennt ginn. Oft gëtt dës Zuel awer als 45% duergestallt, well de Plastik a Schnipsel zerklengert an a Betongfabrike verhëtzt géif ginn.

Dozou kënn nach dee vum Consommateur a sengem Stot getrennten Offall, deen awer anscheinend massiv z.B. an Asien am Mier entsuegt géif ginn. Och géing getrennten a fir de Recycling prett gemaachenen Offall an aner Länner exportéiert an do einfach verbrannt ginn. Beonrouegend ass, dass exportéierten Offall an Däitschland als recycléiert gëllt, wat dann nom Export domadder geschitt, ass net gewost.

Bezitt sech d'Dokumentatioun op d'Entsuegung vun däitschem Offall, sou erginn sech dach eng Rëtsch pertinent Froen, déi een sech och zu Lëtzebuerg sollt stellen.

An deem Zesammenhang wéilt ech der Ministesch dës Froe stellen:

1. Wéi vill Tonnen Offall (opgelëscht no Kategorie vun Offall) ginn all Joer zu Lëtzebuerg produzéiert?
2. Wéi vill Tonnen Offall (opgelëscht no Kategorie vun Offall) ginn all Joer hei am Land recycléiert?
3. Wéi vill Tonnen Offall (opgelëscht no Kategorie vun Offall) ginn all Joers vu Lëtzebuerg aus exportéiert?
 - A wéi eng Länner ginn dës Quantitéiten exportéiert?
 - Ginn et Länner, an déi nëmme bestëmmt Zorte vun Offall aus Lëtzebuerg importéieren? Falls jo, wéi eng sinn dat a wéi eng Zorten a Quantitéite vun Offall



importéieren dës Länner?

4. Wéi vill Tonnen Offall (opgeléicht no Kategorie vun Offall) ginn all Joers vu Lëtzebuerg importéiert an aus wéi enge Länner?
5. Wéi eng Offallzorten ginn am Programm vun der SuperDrecksKëscht aktuell nach net recycléiert? Wat geschitt mat dësen Offallzorten?
6. Wéi vill Offall gëtt bannent der Aktioun SuperDrecksKëscht an d'Ausland exportéiert?
7. Kann d'Ministesch ausschléissen, dass déi verschidde Mësstänn aus dem Reportage "*Die Recyclinglüge*" op d'Aktioun SuperDrecksKëscht zoutreffen?

Mat déiwem Respekt,



GOERGEN Marc

Député

